

Riba prevencion di candela

No tur ora doñonan di establecimiento ta sigui conseho di brandweer



ORANJESTAD (AAN) — DIARIO a entrevista Comandante di Cuerpo di Bombero sr. Haime Donata, tocante e situacion di candela cu ta presentando cu frecuencia riba nos isla. Kico ta e reglanan existente pa preveni candela cu mester cumpli cune na Aruba?

Comandante Donata a splica cu ta existi un ley yama "AB-1991 #10", cu ta special pa lugarnan manera hotel, restaurant, club nocturno, etc.

E ley aki ta pa haci uso di dje den e tipo di edificionan aki, y ora un construccion ta bay cumenza e doño tin cu entrega un tekenen na D.O.W., cual ta worde manda na Cuerpo di Bombero, y a base di e reglanan nan ta revisa e tekenen, cu ta worde

entrega na e doño pa e por construi su edificio. E exigencianan ta cu e lugar mester tin suficiente salida, extensor di candela, si tin cushina esaki mester tin un aparato pa paga candela automaticamente, detector di huma, y ademas tin mester ta

sigura cu un compania di seguro.

Dependiendo di e tipo di edificio ta pidi pa pone sprinkle. Esaki ta pa edificionan cu tin un grandura di minimo 450 meter cuadra bay ariba.

Hopi biaha CBA ta duna conseho na diferente lugar pa cumpli cu e reglanan, y un vergunning por worde duna a base di conseho di Cuerpo di Bombero, y mayoria di biaha un permiso ta worde nenga si e situacion ta hopi peligroso.

Si ta un edificio cu tin hopi aña traha caba, nan tin cu duna e persona e oportunidad di drecha su lugar pa e por keda cla y cumpli cu e reglanan di Brandweer.

Señor Donata a comenta cu nan tin un restaurant cu nan ta bezig cune pa basta tempo, cual e no kier a menciona e nomber, pero cu nan mester dreche pa e ta "up to date" y si no e lo worde cera. Poco, poco e doño ta drechando e lugar pa cumpli cu e reglanan di Cuerpo di Bombero unda

ta necesario.

No ta asina cu CBA ta duna conseho na companianan di seguro. Seguro riba su mes tin su inspectornan cu ta segura e edificio y esey ta keda na competencia di e compania mes.

Donata a subraya cu delaster tempo, despues di e candela cu a sosode na La Linda, el a tuma den su maneho, e decision cu si un lugar no ta cumpli nan ta duna e doño di edificio cierto tempo pa tuma e medidanan y nan ta manda copia pa e organizacion di seguro, cu e intencion pa nan acerca e hendenan concerni y muestra nan riba e

responsabilidad cu nan tin, pero ta keda na e seguro si e ta segura e lugar of no.

Pero semper CBA ta sali for di e punto di bista cu e doño di e edificio ta keda responsable pa su lugar. Sr. Donata a bisa cu tin biaha Cuerpo di Bombero ta duna un conseho y e doño di e lugar ta compromete cien por ciento pa cumpli, pero despues no ta mantene su mes na e reglanan, pero despues nan ta cera porta di e lugar na yabi of candal pa motibo di choller, etc., cu tur e consecuencianan cu si algo pasa esnan paden no por sali.

Recordatorio pa studiantenan di Colegio EPI Economia

ORANJESTAD (AAN): Colegio EPI Unit Economia ta recorda tur estudiante cu prome dia di school lo no ta diahuebs dia 17 di augustus, pero diabierna dia 18 di Au-

gustus.

Pues Diabierna dia 18, school lo cumenza 7.30 di mainta. Esaki ta valido pa studiantenan di tur afdeling di Unit Economia.



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

**Kleur Potlood
SPECIAL**